



تشریح احوال [۱]

هلاک رنکی صولش خسته هجرانه دونمشدر
 تورم ایلمش برنازنین جانانه دونمشدر
 فضیلت نوری اوچمشدر سهایه خاک سفیلدن
 توابعدن مجرد کوکب تابانه دونمشدر
 محاط ظلمت اولش هرجهتدن بقعه اسلام
 ملاحد معبدنده محتجب قرآنه دونمشدر
 شکوه وسلطتدن بر اثر یوق شویله جه باقسه ک
 سلیمانلر مقامی مسکن مورانه دونمشدر
 اوت چوقدنبری بوخطه اللهه امانتدر
 شقیلر بی محابا یرتجی قاپلانه دونمش
 اوزاقده صانمیک تاپای تختک قلبه کیرمش
 بوسر کرده غلاتک هربری سلطانه دونمشدر
 نه مال و جانه امنیت نه ده حق تنفس وار
 او محروسه دینن ایل بکجیسز بستانه دونمشدر
 بیقلمش برطرفدن ، برطرفدن آتسه یانمش
 سراسر شمدی اولکه بررمدستانه دونمشدر
 ایشتدک تربه داری واریتمش بومرقدک اما
 عصاسن چالدران خوابیده برچوبانه دونمشدر

[۱] بومنظومه معلمین محترمه دن قیصری مولوی شیخی زاده محمدشمس الدین
 افندی طرفتدن مرحوم ومغفور جنتمکان سلطان عمدرشاد خان حضرتلرینک
 ارتحاللرندن برقاچ کون مقدم مصائب عمومیه وطندن متأثر اوله رق انشاد
 ایدلشد. منظومه نک اهداسی شاعر (اویسی) نک تمام اوچوز سنه اولینه بویله
 حیتمندانه برلسان ایله سویله دیکی منظومه نک درج اولدینی بونسخه به تصادف
 ایدرک آنک زیرینه یازلمس نه انشاء الله حسن تصادف دیمکدن بشقه برشی دنیه من .
 معلمین محترمه من ایچنده بویله لسان حمیت وبلاغته واقف افعالی اقواله ، وجدانی
 مسلکته موافق وسیف صارم کبی بی پروا حمیتلی وغیرتلی ذاتلر کوردو کمزدن طولای
 افتخار ایدرز .

بینسز باشلرک حکمی، اوغورسز اللرک ظالمی
 چکلمز حاله کلمشدر بلای جانہ دونمشدر
 قودورمش ساحله طاشمش، حدودی زروہ بی آشمش
 مظالم حاصلی طغیان ایدن عثمانہ دونمشدر
 یاقدر قورقمایک جانلرک فردای تنکیلی
 ستم طوماری الدہ قہر ایچون فرمانہ دونمشدر
 کیلمشدر امیدى حزب اخوان شیاطینک
 حیاتک صوک دمنده طالب درمانہ دونمشدر
 چکلمز انتقامک حقلى غیظک پیشنه اصلا
 نظر قیل آم مظلومانہ بروولقانه دونمشدر
 دیورلر کهنہ استبداد چوروکدی چوکدی پک طوغری
 فقط ظن ایتیک شمدی چلیک بنیانه دونمشدر
 نہلر اولمش، نہلر اولمش، نہلر اولمقدمہ در حالا
 دوشونمکدن عقول اربابی هپ ولہانہ دونمشدر
 چیقارتیرلر همان ہر شخص ایچون ہر آندہ بر مادہ
 قوانین اورتہ دمہ بازیمجہ طفلانہ دونمشدر
 نہ مانع ظلم وعدوانی، نہ حامی عدل واحسانی
 مابین عدل وحقہ سائق عصیانہ دونمشدر
 قویولمش بونلری تفسیرہ ہر باش کندى فکرنجہ
 براقمشدر جہادی مجتہد یارانہ دونمشدر
 کیمی کیمدن سورارسک، خانجی سرمست، یولجیلر سرمست
 آجیق کوزلرجه عالم کارلی بر میدانہ دونمشدر
 همان جمع نقودہ صرف ایدوب تقدینہ ہمت
 اعظم الدہ چانطہ اجنبی مہمانہ دونمشدر
 بوتون دادوستدہ دہری کورمن حزب مبعوثان
 شواوچ بش ساکت حق تابع شیطانہ دونمشدر

نه ياپسون كسب و كارك ، احتكارك فيضنه ايرمش
 اياق چبلاق كزر كن مالك سامانه دونمشدر
 چيقوب كرسى ده پارلاق خطبه لر ايراد ايدنلر سه
 تمدح مبتلاسى شارلاتان فتانه دونمشدر
 اوزنمش بونلرك تقليدينه اصناف بي انصاف
 ترازوسى النده مسند خسرانه دونمشدر
 آير فضله ، صاتار نقصان اثر يوق خوف و خشيتدن
 صانيرسك طاغ باشنده يول كسن شجعانه دونمشدر
 تبديل ايلمشدر غالبا معناسى الفاظك
 تجارت برشقاوت تاجران دزدانه دونمشدر
 نيجه قيزلر قادينلر آج صوسز جان ويردى حسرتله
 نيجه مفلسلرك ثروتلرى عمانه دونمشدر
 نيجه پرورده ناز ونعم ارباب استحيا
 طاشير بلغور فاصوليه سائل سلمانانه دونمشدر
 عمومى بر بلا ، ضحك معيشت خلقك اوستنده
 نيجه دولتسرالر كلبه احزانانه دونمشدر
 شوآن ياسى عيش ونوشه فرصت عد ايدنلر سه
 قويونلر جان ويرر كن قان ايچن كر كانه دونمشدر
 اعاشه ، احتكار ، جمعيت بقال ، يا اصناف
 بوغوب صويتقدمه خلقى ، جمله سى يكسانه دونمشدر
 مؤثر عينيدر سن صورت عنوانه آلدانمه
 حلولى مذهبنجه منتقل (تك) جانه دونمشدر
 محقق جان ياقان غدارلر آزاده سر قالمز
 ياقوب يانمقدمه عينا آتش سوزانه دونمشدر
 جهالت حاكم اولمش خيل دمدر ملك اسلامه
 اهالى طويغوسز برهيكلى انسانه دونمشدر

نه غيرك حقنى فارق نه كندى حقنى مدرك
 يازق صويمش ، صويولمش سارق عريانہ دونمشدر
 عجب مستولى كيم ؟ البته رهبرلر هنرورلر
 فقط رهبر دينلر رهن فتانه دونمشدر
 مشايخ خير و شره بي تردد ديرلر ايوالله
 علوم اربابنك ايقاظى ده عدوانه دونمشدر
 مدارس منبع فيض اوله دن بك چوق اوزاqlاشمش
 تكايا غابرينه ملجا اولمش خانه دونمشدر
 مكاتب علم وفه عادتا اعلان حرب ايتمش
 وطن اولادى حيفا دشمن عرفانه دونمشدر
 برازده حقيلدرلر بنيه لر بوش معده لر بي تاب
 غدانك قلتندن صورت بي جانه دونمشدر
 چوجقلىر بويله محكوم سقالتدر ، عطالتدر
 اكيلمش قدو قامت كنج ايكن پيرانه دونمشدر
 اونتمش درس ودورى درد جوعه بردوا ايستر
 معلملرده آج ، قانسز ، جيليز صيانه دونمشدر
 باقك دارالفنونك حانه بركره عبرتله
 بيلنمز سزى آماما كل آلمانه دونمشدر
 كيرن يوقدر چيقان يوق طالين مشهده مقبرده
 زواللى برايكى معلول ايسه حيرانه دونمشدر
 مصارف چوق ، معارف يوق ، دوام يوق ، انجمنلر چوق
 سوران يوق ، دله كي اميدمن حرمانه دونمشدر
 سياستدن حكومتدن چوجوقلر بحث ايدر دائم
 مكاتب هپ سياستخانه يارانه دونمشدر
 نه لر چيقدى نه لر چيقه مقدمه در شوتورك اوچاغندن
 بوملكى ياقده بر آتش سوزانه دونمشدر

وداع ایتمش شعوره نخبه آمالی غیب ایتمش
بتون یوزلر غریب شی ، برایکی حیوانه دونمشدر
تهی ، تنها مدرسلر اوطورمش قهوه نوش ایلر
زویا حجره سنده دم چکن اخوانه دونمشدر
وطندن پک اوزاقدن فیض آرارلر اکثری شبان
شاعرمش رهنمای یوزلری تورانه دونمشدر
نه شرقک علمنه وارث نه غربک فتنه واقف
هنرسز ، معرفتسنز دربدر نادانه دونمشدر
مزاجاً غربیه مانلدر فقط بیلمز بیچون مائل
وطندن یرایچر برمنکر احسانه دونمشدر
اساس دینی بیلمز ، معترض دعواسی برهانسز
علامت باشقه ، فکرآ پیرو شیطانه دونمشدر
اگر بونلر عیسیه بوملتک امید آتیبی
نجات امکانی یوق آمالی ده حرمانه دونمشدر
نه لازم طشره لردن بختله ایراد امثاله
سوقاقلر کوز اوکنده هر طرف ویرانه دونمشدر
کچک اک معتنا یردن باقک بر کره اطرافه
تعقدن کچیلمز ساحه آتانه دونمشدر
اک اول پایتختک ایتلی تنظیمنه همت
بومرکز قلبه بکزر طشره لر شریانه دونمشدر
خلافت صاحب اصلینسی بولدی محمدالله
عدالت نشئه سیله چهره لر خندانه دونمشدر
آلهی هر ایشنده سن موفق ایله خاقانی
که عزم بی فتوری صولت شیرانه دونمشدر
آلهی : سن مجدد ایله اسلامه شهنشاهی
اوجان نور خلافت تاجنه عنوانه دونمشدر

دکدر سایه سی برطل موهوم غموم افزا
 وجودی فوقزده سایه یزدانه دو نمشد
 الهی مرحمت قیل حاله بوملتک زیرا
 یورکار یارم لیش سینه لر بریانه دو نمشد
 جزایه مستحقز فاعترفا لاتواخذنا
 سنک لعافک بیو کدر مشکلات آسانه دو نمشد
 دمامد خرم و آسوده اولسون دور عدلنده
 کوکالر خیلی دمدر خائنه ویرانه دو نمشد
 اوسلطان وحیدی ایله منجی ام یارب
 سوزنده مغنویت قوت ایمانه دو نمشد



نظائر و سائر غزلار

غزل فضولی

اولیه سرمستم که ادراک ایتزم دنیا نه در
 بن کیم ساقی اولان کیمدرمی اصهبانه در
 کرچه جاناندن دل شیدا ایچون کام ایستم
 سورسه جانان بیلزم کام دل شیدا نه در
 عاشقی معشوقدن مستغنی ایلر بروصال
 عاشقه معشوقدن مردم بو استغنا نه در
 حکمت ایدنیا و مافیها بیان عارف دکل
 عارف اولدر بیلیمه دنیا و مافیها نه در
 آد و فریادک (فضولی) انجد و بدر عالمی
 کربلای عشق ایله خشنود ایسن غوغا نه در

